

Na osnovu člana 17. stav 1. Zakona o javnim nabavkama („Službeni glasnik BiH” broj: 39/14) te na osnovu tačke I Rješenja o prenosu ovlaštenja na državnog službenika u organu državne službe, broj: 02/05-A-4447-2019 od 01.07.2019.godine, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

POSEBNU ODLUKU o pokretanju postupka javne nabavke

Član 1.

Ovom Posebnom odlukom odobrava se pokretanje postupka javne nabavke radova putem otvorenog postupka i to:

NABAVKA RADOVA NA REDOVNOM ODRŽAVANJU PUTEVA NA PODRUČJU GRADA TUZLA.

Oznaka JRJN za ovaj predmet nabavke je: 45233141-9 – Radovi na održavanju cesta.

Član 2.

Postupak za zaključivanje ugovora izvršit će se putem otvorenog postupka u skladu sa članom 25. Zakona o javnim nabavkama („Službeni glasnik BiH“ broj 39/14).

Član 3.

Procijenjena vrijednost nabavke bez uračunatog poreza na dodanu vrijednost je 2.564.102,56 KM.

Član 4.

Predmetna nabavka vršit će se iz sredstava Budžeta Grada Tuzla, sa pozicije Službe za komunalne poslove, izgradnju i poslove mjesnih zajednica, ekonomski kod 0502/613724-1 – Izdaci za tekuće održavanje puteva i ekonomski kod 0505/613724/1 – Izdaci za tekuće održavanje puteva.

Član 5.

Ova Odluka stupa na snagu danom donošenja.

Obrazloženje

Posebnu odluku o pokretanju postupka javne nabavke potrebno je donijeti jer nije donešen Plan nabavki Grada Tuzla za 2021. godinu iz razloga što nije usvojen Budžet Grada Tuzle za 2021. godinu. Obzirom da je Budžet osnov za donošenje Plana nabavki te da je zakonski rok za donošenje plana nabavki 60 dana od dana usvajanja budžeta iz tog razloga nije mogao biti usvojen ni Plan javnih nabavki Grada Tuzla za 2021.godinu.

Obzirom da je riječ o nabavci radova na tekućem održavanju puteva, te da je u okviru važećeg Okvirnog sporazuma za nabavku radova na tekućem održavanju puteva veći dio stavki iskorišten odnosno utrošen, a da je u skladu sa potrebama na aktivnostima redovnog održavanja puteva neophodno pokrenuti proceduru za zaključenje novog okvirnog sporazuma za stavke koje su realizovane odnosno nove stavke koje su potrebne za potrebe redovnog održavanja puteva pa je zbog toga odlučeno da se pokrene ovaj postupak javne nabavke donošenjem posebne odluke.

U skladu sa naprijed navedenim te u skladu sa članom 17. stav 1. Zakona o javnim nabavkama (“Službeni glasnik BiH” broj:39/14), donosi se ova posebna odluka.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju i
poslove mjesnih zajednica
Broj:05/11-A-001485-2021
Datum, 08.02.2021. godine**

**Pomoćnik gradonačelnika
za Službu za komunalne poslove, izgradnju i
poslove mjesnih zajednica**

mr.sc. Mirela Uljić, dipl.ing.grad.